

《佛說無量壽經》 補充講表

◎附表五：八相成道

◆※《大乘起信論》云：「降兜率、入胎、住胎、出胎、出家、成道、轉法輪、入滅。」

※《華嚴經·佛不思議法品》云：「佛子！諸佛世尊有十種決定法。何等為十？所謂一切諸佛定從兜率壽盡下生；一切諸佛定示受生，處胎十月；一切諸佛定厭世俗，樂求出家；一切諸佛決定坐於菩提樹下，成等正覺，悟諸佛法；一切諸佛定於一念，悟一切法、一切世界，示現神力；一切諸佛定能應時轉妙法輪；一切諸佛定能隨彼所種善根，應時說法，而為授記；一切諸佛定能應時為作佛事；一切諸佛定能為諸成就菩薩而授記別；一切諸佛定能一念，普答一切眾生所問。是為十。」

○「處兜率天」：以生兜率天作佛事之妙用利益。

※《華嚴經·佛不思議法品》指出「一切諸佛於兜率陀天，廣作佛事時，乃是以大慈無礙，

大悲究竟之心，平等的饒益一切眾生；或令生天，或令生人，或淨其根，或是調其心；或時為說差別三乘，或時為說圓滿一乘。普皆濟度，令出生死。」

◆菩薩示現住處母胎的含意（糅合《華嚴經·離世間品》）

菩薩之所以要示現住處母胎，乃是為攝受「小心劣解諸眾生故」。

◆《華嚴經·離世間品》云：「菩薩摩訶薩為欲成就小心劣解諸眾生故，不欲令彼起如是念：今此菩薩自然化生，智慧善根不從修得。……為成熟父母及諸眷屬、宿世同行眾生善根，……彼皆應以見於處胎，成熟所有諸善根故。……菩薩摩訶薩入母胎時，正念正知無有迷惑，住母胎已，心恒正念亦無錯亂。」

◆《華嚴經·離世間品》指出菩薩為了不願眾生認為「菩薩自然化生，智慧善根自然俱足，不從修得。」所以菩薩示現住處母胎相。其次，為了使其父母、諸眷屬及宿世同行眾生，能成熟其善根，故入處母胎。菩薩入處母胎時，正念正知恆常分明，無有迷惑。

○「出家相」

※《華嚴經·離世間品》云：「佛子！菩薩摩訶薩以十事故，示現出家。何等為十？所謂：為厭居家故，示現出家；為著家眾生令捨離故，示現出家；為隨順信樂聖人道故，示現出家；為宣揚讚歎出家功德故，示現出家；為顯永離二邊見故，示現出家；為令眾生離欲樂、我樂故，示現出家；為先現出三界相故，示現出家；為現自在不屬他故，示現出家；為顯當得如來十力、無畏法故，示現出家；最後菩薩法應爾故，示現出家。是為十。菩薩以此調伏眾生。」

※《華嚴經·佛不思議法品》云：「佛子！一切諸佛示處種種莊嚴宮殿，觀察厭離，捨而出家，欲使眾生了知世法皆是妄想、無常、敗壞，深起厭離，不生染著，永斷世間貪愛煩惱，修清淨行，利益眾生。當出家時，捨俗威儀，住無諍法，滿足本願無量功德，以大智光滅世癡闇，為諸世間無上福田，常為眾生讚佛功德，令於佛所植諸善本，以


智慧眼見真實義；復為眾生讚說出家，清淨無過，永得出離，長為世間智慧高幢。」

※《大智度論》云：「孔雀雖有色嚴身，不如鴻鵠能遠飛；白衣雖有富貴力，不如出家功

德勝。」

○無量佛土，六種震動。

◆指大地震動之六種相貌，如《華嚴疏鈔》所指出：




※《大智度論》卷八云：「唯佛世尊能令大地六種震動。……欲令眾生知一切皆空，無常故。復次，如人欲染衣，先去塵土；佛亦如是，先令三千世界眾生見佛神力，敬心柔順，然後說法，是故六種動地。」

○轉法輪相

*蕩益大師於《佛遺教經解》云：「言【轉法輪】者，佛以自心中所悟四諦之法，度入一切眾生之心，名之為【轉】。此法能摧眾生煩惱業苦三障，名之為【輪】。」

◆以下糅合懺雲老和尚《佛遺教經表解》



◆法輪喻義對照

◆法輪如轉輪聖王之輪寶，具有三義：

- 一、摧毀——煩惱：三障（惑業苦）
- 二、碾平——心地：生佛平等，空有平等，怨親平等。
- 三、運轉——眾生：轉迷為悟，轉識成智，轉凡成聖，離苦得樂。

◆慧遠大師《佛說無量壽經義疏》以八譬喻說明之：

扣法鼓：聞慧。吹法螺：思慧。執法劍：修慧。建法幢：證慧。

震法雷：法無礙智。曜法電：義無礙智。澍法雨：辭無礙智。演法施：樂說無礙。

○「入涅槃相」（以下糅合《佛遺教經解》）

◆「涅槃」：不生不滅之義，佛久證此「無住涅槃」，今為有緣度盡，故示垂入無餘涅槃，

實不同二乘之一滅永滅也。

◆無住涅槃：謂諸佛菩薩，有智慧故，不住生死；有慈悲故，不住涅槃。不住生死，故能非滅示滅；不住涅槃，故能非生示生。

△《華嚴經·佛不思議法品》說明佛示現入涅槃之兩個重點：

*（一）示涅槃使眾生悲戀而作佛事

◆一切諸佛入涅槃時，無量眾生悲號涕泣，生大憂惱，遞相瞻顧而作是言：「如來世尊有大慈悲，哀愍饒益一切世間，為救為歸。如來出現，難可值遇，無上福田，於今永滅！」即以如是令諸眾生悲號、戀慕的方法而作佛事。（難遭遇想）

*（二）使舍利流布而作佛事

◆諸佛為化度一切天人、龍神、夜叉、乾闥婆、阿脩羅、迦樓羅、緊那羅、摩睺羅伽、人、非人等故，隨其樂欲，自碎其身，以為舍利，無量無數，不可思議。令諸眾心生起淨信心，恭敬尊重，歡喜供養，修諸功德，具足圓滿。又於諸天龍八部宮中或諸天宮殿中，

建立起種種莊嚴的舍利塔，以為供養。除此之外，佛的舍利牙齒、爪髮，都供奉在塔中，令其見者，皆悉念佛、念法、念僧，信樂永不退轉動搖。誠敬尊重，在在處處，布施供養，修諸功德。以是福故，或生天上，或處人間，種族尊榮。所有眷屬悉皆清淨，不入惡趣，常生善道。恆得見佛，具足清淨純潔的善法，於三有中，速得出離，各隨所願，獲自乘果。於如來所，知恩報恩，永與世間作所歸依。